

*Alþingi*  
*Erindi nr. P 132/647*  
*komudagur 16.1. 2006*

Til Allsherjarnefndar Alþingis  
Frá Félagi Ábyrgra Feðra

5. janúar 2006.

**Greinargerð:**

132. löggjafarþingi. Vegna þskj 374-340 mál, vegna breytinga á lögum 76/2003

Varðandi fyrirspurnir um þetta erindi vísast til stjórnarmanna Félags ábyrgra Feðra.

Gísli Gíslason formaður (s:8933290)  
Stefán Guðmundsson varaformaður (8982514)  
Lúðvík Börkur Jónsson, gjaldkeri (6643308)  
Óskar F. Jónsson, ritari (8640177)

**FRUMVARP TIL LAGA:** Um breytingar á lagaákvæðum er varðar réttarstöðu samkynhneigðra. Þskj 374-340 mál

Í skjalinu er fjallað á nokkrar breytingar á barnalögum varðandi sæðisgjafa ofl. Félag Ábyrgra Feðra hefur þá einu athugasemd að það telur eðlilegt að öll börn getin með gjafsæði eigi rétt á að fá að vita hver sæðisgjafinn er þegar þau eru orðin 18 ára. Börnin hafa enga kröfu á viðkomandi einstakling. Þetta er til samræmis við það sem t.d. Bretar hafa gert til að tryggja rétt barna um uppruna sinn, sem getin eru með sæðisgjöf, í samræmi við Barnasáttmála Sameinuðurríkjanna.

### **Umsögn og greinargerð:**

#### **Sæðisgjafar. Þskj 374-340 mál**

Félag Ábyrgra Feðra fagnar almennt bættri réttarstöðu samkynhneigðra. Hin líffræðilega staðreynd er hinsvegar sú að hvert barn á líffræðilegan föður og móðir.

Í Bretlandi hafa verið í gildi í nokkurn tíma lög eins og lagt er til hér, þ.e. börn getin með gjafsæði. Svo á barnið uppeldisforeldra, oft annað foreldrið blóðforeldri. Í Bretlandi hefur það gerst að þessi börn leita að uppruna sínum, leita hver þessi sæðisgjafi var, þ.e. hver er hin raunverulegi pabbi. Því hafa Bretar lögfest að öll börn sem getin eru með sæðisgjöf eiga rétt á að vita hver sæðisgjafinn er þegar þau verða 18 ára. Þetta hefur leitt til tímabundins minna framboðs á sæði, en við slík lög ganga sæðisgjafar að skýrum lögum að þessu leyti. Félag Ábyrgra Feðra telur eðlilegt að íslensk lög verði í samræmi við bresk lög að þessu leyti. Engin ástæða er að bíða þar til íslensk börn getin með gjaf sæði fari fram á að eiga þennan rétt.

Félag ábyrgra feðra telur að þegar barn er getið með tæknifrjógungun með gjafsæði, þá eigi barn rétt á að vita hver sæðisgjafinn er, þegar barn er orðið 18 ára gamalt. Barnið hafi enga kröfu á sæðisgjafann aðra en þá að vita hver hann er og hvaða ætt er á bak við hann.